



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memoræ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

22. Æternitas divinitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

176 *Domus æternitatis. Consideratio*
veas, non flectas, non percellas, nisi ve-
ratione, vel fide careat? Et tamen eheu
Quot ejusmodi in mundo reperiuntur
milliones? O Domine! miserere; Qui
non est volentis, neque currentis; sed mise-
rentis Dei. Rom. c. 9. 16. Et *nemo potest*
venire ad me, nisi Pater meus traxerit
eum, ait Filius tuus. Joan. c. 6. 44. Ab-
trahe me, trahe innumeros ad te, ut con-
vertantur & vivant; ut cognoscant te
ament & laudent te, in tempore & æter-
nitate!

CONSIDERATIO XXII.

Æternitas Divinitatis.

A saculo, usque in saculum, tu es Deus.

Psal. 49.

4. Martii.

I. **C**ONsideravimus, quid sit æternitas;
nunc quænam in Domo æterni-
tatis, æterna sint, expendamus; atque à
Deo O. M. auspicemur. Tu in primis, ô
magne Deus, es æternus: nam *A saculo*
usque in saculum, tu es Deus. l. c. Tu nun-
quam cœpisti, nunquam desines: tu
omne

omne tempus occupas & ambis, *anti-*
quus dierum. Dan. c. 7. 9. Tu es omnium
 avum, & tempus, ante dies, ante avum, an-
 te tempus. S. Dionys. L. de divin. nom. c.
 10. Tu nimirum es ante omne tempus,
 etiam comprehensibile à creatura, &
 post omne tempus eris. At quamdiu?

II. Tu ô Deus! infinito intervallo,
 ante omne tempus imaginabile fuisti; &
 infinito intervallo, post omne tempus
 imaginabile eris. Concipiat quis mente,
 tam ante, quàm post mundum conditum,
 tot annorum myriades, quot numeran-
 tur stellæ in cœlis, atomi in regione aëris,
 guttæ in mari & fluviis, arenæ in litore
 maris, folia, flores, grana, & semina, in
 omnibus mundi agris, campis & sylvis,
 tempore æstatis. Crederet quis nume-
 rum hunc speciem esse cujusdam æterni-
 tatis; verùm tu, mi Deus, adhuc infini-
 tis sæculis & sæculorum myriadibus an-
 tecessisti, & totidem sæculis, post omne
 tempus permanebis. *A seculo usque in*
seculum, tu es Deus. Psal. 89. 2.

III. Ideòque æternus es: anni tui, ut
 initio carent, sic & nunquam deficient,

178 *Domus aeternitatis. Consideratio*
non est in te hesternum & crastinum; sed
merum & perpetuum, hodiernum, per
quod nos & dies nostri transeunt, *Sum-*
mus enim es, & non mutaris, neque pera-
gitur in te hodiernus dies, & tamen in te
peragitur; quia in te sunt & ista omnia:
non enim haberent vias transeundi, nisi
contineres ea: & quoniam annitui non de-
ficient, annitui hodiernus dies: & quàm
multi jam dies nostri & Patrum nostro-
rum, per hodiernum tuum transierunt, &
transibunt adhuc alii. Tu autem idem ipse
es, & omnia crastina atque ultra; omnia-
que hesternae & retrò; hodie facies, hodie
fecisti: Quid ad me si quis non intelligat,
Gaudeat etiam sic & amet, non inveni-
endo, invenire potius te, quàm inveni-
endo, non invenire te. S. Aug. L. 1. Conf. c. 6.
O quis hæc capiat? Verè ipse est Deus vi-
vens & aeternus in secula. Daniel. c. 6. 26.

Aspirationes.

O Divina Aeternitas! hypostasis, prin-
cipium, mensura, radix & origo
omnium sæculorum; quæ tuâ duratione
aeternâ, priores omnibus sæculis & supe-
rior:

rior : sub qua omniavolvuntur sæcula.
 Tu semper menti meæ obverseris ! tu in-
 timis mihi sensibus hæreas ! Tu omnium
 actionum mearum, ac totius vitæ sis re-
 gula ! Omnia temporalia, sive bona, sive
 mala, præ te contemnam, & nihili du-
 cam, ut ad tuam æternitatem beatam, ali-
 quando perveniam. *Tu solus æternus &
 immensus, implens omnia, solatium ani-
 mæ, & vera cordis læticia.* Thom. Kemp.
 L. 2. c. 5.

§. Martii.

I. **Q**uemadmodum, magne Deus, Es-
 sentia ac natura tua est æterna; sic
 & attributa tua sunt æterna, sic proprie-
 tates, perfectiones, & omnia, in te æter-
 na sunt. Omnipotentia tua est æterna :
 nam *potestas tua usque in æternum.* Dan,
 c. 6. 27. Bonitas tua est æterna : quia est
ab æterno in æternum. 1. Paral. c. 29. 10.
 Justitia tua est æterna : nam *justitia tua,
 justitia in æternum.* Psal. 118. 142.

II. Misericordia tua est æterna : *quo-
 niam in æternum misericordia ejus.* Psal.
 135. 1. Pulchritudo tua, dulcedo tua,

180 *Domus aternitatis. Consideratio*
liberalitas tua, sanctitas, amabilitas, ma-
jestas tua est aeterna ; quia idem tecum
sunt, & tu es *Deus benedictus ab aeterno,*
usque in aeternum. 1. Paral. c. 16. 36. Sed
in primis Sapiencia & Providencia tua est
aeterna: quia *ab aeterno ordinata, & ante-*
quam terra fieret, & abyssi, & montes &
fontes aquarum. Proverb. c. 8. 23. In cujus
Dicasterio, ab aeterno jam omnia semel
constituta ac decreta, omnique consi-
lium de omnibus captum & conclusum
est; nihil de novo restat deliberandum,
nihil non plenissime expensum, omnia
definita & decisa, quae vel fient, vel non
fient.

III. In hoc divinae Sapienciae Consi-
torio; omnium mortalium series & res
ordinatae ac dispositae ab aeterno sunt.
Ibi quoque ego miser peccator nume-
ratus & appensus sum, & librata sunt
omnia opera mea; ibi mihi poena, vel
gloria aeterna praeparata: ibi vel regno
cum Sanctis omnibus in gloria; vel cum
impiis & Diabolis ardeo in gehenna: a-
ternitas enim praescientiae tuae, mi Deus,
& decretorum tuorum, libertati nostrae
nihil

nihil officientium, anticipat omnia, & quidquid unquam in tempore futurum est, ibi jam factum est. Lessius de perfect. divinis L. 4. c. 5.

Affectus admirationis.

O Deus æterne! In omnibus attributis tuis æternis, summè admirande! Ego ad illa, & præcipuè ad sapientiæ tuæ æternæ abyssum, ad Providentiæ tuæ adytum, & præscientiæ arcanum, & ad decretorum tuorum æternorum incomprehensibile mysterium, attonitus hæreo, stupeo elinguis & contremisco: sed simul laudo, revereor, approbo, & profundè adoro, justa ac sancta in æterno Sapientiæ, Providentiæ, Omnipotentia, Bonitatis, Justitiæ ac Misericordiæ tuæ Consistorio, de me, de meis, de omnibus, ab æterno facta decreta. Pater meus, Dominus meus, Deus meus estu: *In te*

Domine speravi, non confundar in æternum. Psal. 30. 2.



6. Martii.

I. **P**erpende denique, omnia quæ in Deo sunt, esse æterna. *Domine Dominus noster, quàm admirabile est nomen tuum, in universa terra? quàm stupenda sunt, omnia quæ in te sunt magnalia! Quidquid enim in te est, Deus immense, æternum est. Æterna est natura tua, æterna intelligentia tua, æterna memoria, æterna voluntas, æterna vita, æterna iudicia, decreta, consilia, gaudia, oblectamenta. O quàm hæc sunt admiranda!*

II. Magnitudo tua, summe Deus, est æterna immensitas: natura tua, est æterna bonitas; virtus tua est æterna infinitas: voluntas tua est æterna æquitas: lex tua, est æterna sanctitas: vita tua, est æterna felicitas: ætas tua, est æterna æternitas. O ætas stupenda! quæ nec transit, nec venit, sed Deo commensurata perstat sine principio, sine fine. O æternitas æterna! *cui nec præterita transeunt, nec futura succedunt: cui nec origo initium, nec tempora incrementum, nec casus finem dabit; sed ante sæcula, & in sæculis, & per sæcula, in æter-*

aterrnum vivis, & est tibi perennis laus &
 aterna gloria, perpetuum regnum, & sine
 fine imperium, per infinita & indefessa &
 immortalia secula seculorum. S. Aug.
 Med. 12.

III. Hæc, ô Deus! æternitas tua, & at-
 tributorum, actionumque tuarum, quæ
 sine sui initio, omnibus initia dat, sine sui
 mutatione, omnia mutabilia facit, in ma-
 gnitudine est infinita, in bonitate sum-
 ma, in sapientia inæstimabilis, in confi-
 liis terribilis, in judiciis justa, in cogita-
 tionibus secretissima, in verbis verax, in
 operibus sancta, in misericordiis copio-
 sa. Unde eam, cum sermo tuo fideli, Au-
 gustino intueor velut formidabilem
 quandam abyssum, coram qua, intelle-
 ctus humanus contremiscat, præ timore,
 non audens ipsam aspicere in facie, ne ab
 ejus opprimatur majestate: veluti oculi
 nostri obducunt palpebras, nequaquam
 ausi fixè aspicere rotam solis flammam-
 tem S. August. L. 10. Confess.

Unde cum eodem Divo
 suspirio.

Suspi-

Suspiria.

O Quis tenebit cor meum, & figet illud, ut paululum stet, & paululum capiat splendorem semper stantis, & comparet cum temporibus nunquam stantibus, & videat esse incomparabilem? O sempiternus Deus! Æterna memoria tua de me benignè cogitet; intellectus tuus me respiciat; voluntas tua me diligat; immensitas protegat, natura conservet, virtus roboret; lex dirigat, vita animet; ætas ætatem meam labantem ac paulatim fatiscentem, ita perficiat in tempore, ut tecum perennet in beata æternitate.

CONSIDERATIO XXIII.

Immutabilitas divinæ æternitatis.

Apud quem non est transmutatio, nec vicissitudinis obumbratio. Jacobi ep. c. 1.

7. Martii.

I. **Æ**ternitas Dei est prorsus immutabilis. *Ego Dominus & non mutor. Malach. c. 3. 6.* Id est, sum immutabilis
in